

K. P.U. 8.

AKTA KERAJAAN TEMPATAN 1976
UNDANG-UNDANG KECIL PELESENAN TEMPAT LETAK KERETA PERSENDIRIAN
(MAJLIS DAERAH KULIM) 1994

SUSUNAN UNDANG-UNDANG KECIL

Undang-undang Kecil

1. Nama, pemakaian dan tarikh kuatkuasa.
2. Tafsiran.
3. Lesen dikehendaki.
4. Fee bagi lesen.
5. Budibicara Majlis.
6. Permohonan untuk mendapatkan lesen.
7. Kebersihan.
8. Perubahan dan tambahan.
9. Halangan.
10. Kegunaan lain tidak dibenarkan.
11. Pencahayaan dan peredaran udara.
12. Keselamatan.
13. Pencegahan kebakaran.
14. Kuasa untuk memasuki tanah dan premis.
15. Pengecualian.
16. Penalti.

AKTA KERAJAAN TEMPATAN 1976
UNDANG-UNDANG KECIL PELESENAN TEMPAT LETAK KERETA
PERSENDIRIAN (MAJLIS DAERAH KULIM) 1994

- Akta 171. PADA menjalankan kuasa-kuasa yang diberi oleh seksyen 102 Akta Kerajaan Tempatan 1976, Majlis Daerah Kulim membuat dan menurut seksyen 103 Akta tersebut Pihak Berkuasa Negeri mengesahkan Undang-undang Kecil yang berikut:
- Nama, pemakaian dan tarikh kuatkuasa. 1. (1) Undang-undang Kecil ini boleh dinamakan Undang-undang Kecil Pelesenan Tempat Letak Kereta Persendirian (Majlis Daerah Kulim) 1994 dan hendaklah dipakai bagi kawasan Majlis Daerah Kulim.
- (2) Undang-undang Kecil ini hendaklah berkuatkuasa pada tarikh ia disiarkan dalam *Warta* .
- Tafsiran. 2. Dalam Undang-undang Kecil ini, melainkan jika konteks ayatnya menghendaki makna yang lain—
- “lot letak kereta” ertinya ruang yang ditandakan di tempat meletak kereta untuk meletak satu kenderaan motor;
- “Majlis” ertinya Majlis Daerah Kulim;
- “orang” termasuklah sesuatu syarikat atau badan berkanun atau persatuan atau kumpulan orang yang diperbadankan atau tidak diperbadankan;
- “tempat letak kereta persendirian” ertinya mana-mana tanah atau premis atau sebahagian daripadanya yang dimiliki atau diduduki oleh mana-mana orang selain daripada Majlis Daerah Kulim atau Kerajaan dan digunakan untuk meletakkan dua puluh buah kenderaan motor atau lebih, dan di mana orang awam dibenarkan meletak apa-apa kenderaan motor tertakluk kepada bayaran fee sama ada bagi setiap jam atau selainnya;
- “Yang Dipertua” ertinya Yang Dipertua Majlis Daerah Kulim.
- Lesen dikehendaki. 3. Tiada seseorang boleh mengendalikan suatu tempat letak kereta persendirian melainkan jika dia memiliki lesen yang sah yang diberikan bagi maksud itu di bawah Undang-undang Kecil ini.
- Fee bagi lesen. 4. (1) Fee yang kena dibayar untuk mendapatkan atau membaharui lesen hendaklah seperti yang dinyatakan dalam Jadual.
- (2) Sesuatu lesen melainkan digantung atau dibatalkan terlebih dahulu hendaklah terus berkuatkuasa sehingga 31 Disember berikutan tarikh kuatkuasa lesen itu dan boleh dibaharui pada atau sebelum tarikh habis tempohnya.
- (3) Sesuatu lesen tidak boleh dipindahmilik kepada mana-mana orang lain dan pemegang lesen tidak boleh mengendalikan melalui mana-mana orang lain kecuali dengan kebenaran bertulis dari Majlis terlebih dahulu.

5. Pemberian sesuatu lesen hendaklah menurut budibicara Majlis. Budi bicara majlis.
6. Permohonan untuk mendapatkan sesuatu lesen untuk mengendalikan suatu tempat letak kereta persendirian hendaklah dibuat secara bertulis kepada Yang Dipertua dalam borang yang ditetapkan oleh Yang Dipertua berserta dengan pendua pelan menunjukkan tempat, susunan letak kereta, ukuran dan muatan tempat letak kereta itu. Permohonan untuk mendapatkan lesen.
7. (1) Tiap-tiap pemegang lesen hendaklah menjaga tempat letak kereta persendirian supaya dalam keadaan bersih setiap masa. Kebersihan.
- (2) Tiap-tiap pemegang lesen hendaklah mengadakan bekas sampah yang cukup di tempat letak kereta persendirianya.
8. Pemegang lesen tidak boleh menambah atau mengurangkan jumlah lot letak kereta dalam lingkungan tempat letak kereta persendirianya kecuali dengan kelulusan bertulis Majlis terlebih dahulu. Perubahan dan tambahan.
9. Pemegang lesen hendaklah mengambil langkah yang cukup untuk menjamin bahawa tiada kenderaan diletakkan mengikut apa-apa cara yang boleh menghalang pergerakan lalulintas yang sempurna di dalam atau di sekitar tempat letak kereta persendirianya. Halangan.
10. Pemegang lesen hendaklah tidak mengguna atau membenarkan digunakan mana-mana bahagian tempat letak kereta persendirianya bagi apa-apa maksud lain selain daripada untuk meletak kenderaan motor kecuali dengan kelulusan bertulis Majlis terlebih dahulu. Kegunaan lain tidak dibenarkan.
11. Pemegang lesen hendaklah mengadakan pencahayaan yang cukup dan jika tempat letak kereta persendirian itu bertutup, peredaran udara yang cukup di tempat letak kereta persendirianya hingga memuaskan hati Majlis. Pencahayaan dan peredaran udara.
12. Pemegang lesen hendaklah mematuhi segala arahan yang diberi oleh Yang Dipertua dan pihak polis untuk memastikan bahawa keselamatan yang cukup diadakan di tempat letak kereta persendirianya. Keselamatan.
13. Pemegang lesen hendaklah memastikan— Pencegahan kebakaran.
- (a) bahawa kelengkapan menentang kebakaran yang cukup dipasang hingga memuaskan hati Majlis;
 - (b) bahawa tangga dan jalan keluar dikendalikan dengan sempurna;
 - (c) bahawa semua tangga, laluan, pelantar dan jalan keluar bebas dari segala halangan; dan
 - (d) bahawa tiap-tiap pintu dibina dan dipasang sedemikian cara supaya dapat dibuka dengan senang; di tempat letak kereta persendirianya.

Kuasa untuk
memosuki tanah
dan premis.

14. Yang Dipertua, mana-mana pegawai yang diberi kuasa olehnya atau pihak polis boleh pada bila-bila masa memasuki mana-mana tanah atau premis bagi maksud menentukan sama ada—

(a) tanah atau premis itu sedang digunakan sebagai tempat letak kereta persendirian tanpa lesen yang sah yang diberi berkenaan dengannya; atau

(b) suatu kesalahan di bawah Undang-undang Kecil ini telah dilakukan.

Pengecualian.

15. Majlis boleh mengecualikan mana-mana orang atau golongan atau kategori orang daripada kesemua atau mana-mana peruntukan-peruntukan Undang-undang Kecil ini atau mengeneipkan mana-mana atau kesemua syarat-syarat Undang-undang Kecil ini atau menggantikan mana-mana atau kesemua syarat-syarat ini sebagaimana yang difikirkannya patut.

Penalti.

16. Seseorang yang melanggar mana-mana peruntukan Undang-undang Kecil ini adalah bersalah atas suatu kesalahan dan boleh apabila disabitkan, dikenakan denda tidak lebih daripada dua ribu ringgit dan denda selanjutnya tidak lebih daripada dua ratus ringgit bagi tiap-tiap hari kesalahan itu berterusan selepas disabitkan.

JADUAL
[Undang-undang Kecil 4(1)]
FEE LESEN TAHUNAN

Bil. lor letak kereta bagi satu tempat letak kereta	Fee kena dibayar
	RM
20 - 50	300 00
51 - 100	500 00
101 - 200	750 00
201 - 300	1,000 00
301 - 400	1,200 00
401 - 500	1,500 00
501 - ke atas	1,800 00

Diperbuat pada 30 Januari 1994.

HAI HASHIM BIN HAI ISMAIL,
Yang Dipertua,
Majlis Daerah Kulim

Diluluskan pada 18 September 1995.
[PSU(K) 98/1396 SK. 32/A.]

HAI SULAIMAN BIN HAI DAUD,
Setiausaha, Majlis Mesyuarat Kerajaan Negeri,
Kedah Darul Aman